

安南縣鄉土志

地 36.153  
539  
部 2

# 安南縣鄉土志

## 複製說明

安南縣鄉土志，全書計三編，易輔上編輯，宣統元年刊，叙事止于清光緒三十年，今據北京圖書館藏鈔本複製。在複製中除改正了一些明顯的錯字外，並據雍正九年何天衢、郭士修纂修之安南縣志及嘉慶間周叙彙纂的安南縣志校正了一些錯誤，舉凡校正之字均列入校字表附于書末，其他悉照原鈔本。在複製過程中承北京圖書館熱情支持，謹此致謝。

貴州省圖書館

一九六四年八月

安南縣鄉土志序

國家為鄉土之集體鄉土猶國家之細胞欲引起兒童之愛國心必自讀鄉土志始安南古為南徼外蠻夷地自常額略通五尺道唐蒙風諭夜郎侯始稍覩漢官威儀歷代屢費經營大都姑與羈縻明治為衛土流並治貽惠養癰我朝改衛設縣則事權一創立學校則文化開安南為之一變矣歲丁未予來治是邦值朝廷興學徵各小學編鄉土志而邑紳易心澄著安南鄉土志適成凡是邦之沿革風俗人物

安南縣鄉土志

一

種類山脉水道形勢位置物產古蹟交通諸要政無不井然秩然補一邑縣志之缺起後學入勝之階使讀者由愛鄉土之心擴而及於國家誠佳構也方今英踞緬甸法窺越南滇黔門戶狡焉思逞安南達滇粵之聲援亦生斯土者所宜究心也然則是書成豈區區小學教科已哉大清宣統元年十月十五日善化楊詠裳撰

例言

一是書係遵照 部頒鄉土志例目編纂故從畧欲詳則在將來縣志之成

一是書為初等小學五年之用分為三編第一編志歷史第二編志地理第三編志格致一安南縣志及興義府志率皆闕畧僅從斷簡殘篇中搜出參以己意編成是書故於正文後附以引證以資參考

一是書成於倉猝錯謬之處知所不免有同志者幸匡正焉

安南縣鄉土志

安南易輔上編輯

第一編 鄉土歷史

一 總論

縣城包羅九山狀似蓮瓣一名蓮城

二 沿革

安南縣地三代

夏商周

之時未入版圖

漢設談指漏江等縣隸牂柯郡繼又設賁古縣隸益州郡

雲南通志云談指即今安南談指不津江有瘴氣 學藝齋集云漏江即今普安安南之

安南縣鄉土志

三

拖長江乃北盤江上流也 卷菴閣集云今普安安南即漢奔古縣地漢書注賁音奔按漢元鼎年間設談指漏江等縣元封年間設賁古縣此三縣地均錯雜於今安南普安貞豐三州縣之間蓋古地紛更改移故多犬牙相錯耳

蜀漢丞相諸葛亮南征廢漏江縣析牂柯郡地置興古郡改賁古縣隸之

蜀志建興元年牂柯太守朱褒反武侯平之三年分其地置興古郡而漏江廢故蜀志及

三國疆域志皆無漏江

晉復置漏江縣改隸建寧郡繼又析牂柯郡地置夜郎郡領縣二談指其一

府志云先是晉懷帝永嘉五年王遜為寧州刺史時牂柯太守猛才驕暴為郡民逐遜平難請析其地置夜郎郡愍帝建興元年從之按夜郎郡領縣二曰談指曰夜郎

梁陳及隋為爨蠻所據

爨蠻楚令尹子文之後劉宋時有爨龍顏者封印都縣侯齊時諸蠻日強數反梁承聖中

安南縣鄉土志

四

爨瓚遂據今郡地瓚卒子震及翫立分為東爨西爨西爨據滇地東爨據今興義府及各縣地

唐遙置西平州以羈縻之旋改盤州天寶中烏蠻仍據盤州地號于矢部已而爨蠻阿宋逐諸部亦號于矢部

高祖武德四年遙置西平州西平名者以其西為漢之平夷縣也今興義縣猶與平夷接壤貞觀八年改西平州為盤州按唐之盤州有二一貞觀八年改置即此盤州

見唐書地理志一

咸亨三年因昆明內附置非今境地見唐書南蠻傳

或云本境唐為東南縣以北盤江南來經此

而入南盤江故名江流至此又名安流河後

人合安流南來之名名曰安南今考唐之南

來縣隸剡州九域志作南來唐書作東南非今境地天

寶中南詔叛東爨烏蠻以盤州及附唐今興義縣

盤水今普安縣二縣叛附之號于矢部而盤州及

二縣遂廢

五代至宋安南之南為羅甸地東西西北仍為于

矢部

安南縣鄉土志

識畧以興義縣為于矢部考宋時今府親轄

地及興義普安兩縣為于矢部安南縣境則

介乎于矢羅甸之間元世祖至元十六年羅

甸為馬平龍氏所滅國亡

元世祖興于矢部附于元元置于矢萬戶府後

改為普安路總管府隸雲南

宋度宗咸淳六年即元世祖至元七年是年

于矢部附於元元置于矢萬戶府在今普安

廳治東州里八部山下兼有興義府親轄地

及興義普安安南等處地十六年宋亡元改

普安招討使司為宣撫使司二十二年罷仍改為普安路總管府

明設尾灑衛尾灑驛尾灑站尾灑堡及尾灑遞運所尋廢繼又設安南衛治江西坡隸貴州都司卒遷於尾灑堡即今安南縣是也

府志洪武十五年正月設普安衛又設尾灑衛十七年置尾灑驛領馬乃阿計安逸三營地及必黑南俄大定上達下達五寨地二十一年置尾灑遞運所二十一年置尾灑站尾灑堡二十三年置安南衛治江西坡設指揮使

安南縣鄉土志

六

及僉事同知鎮撫經歷等官領前後中左右五所所置千戶百戶隸貴州都司二十五年遷衛於尾灑堡築衛城即今縣城是

萬曆四年移永甯州知州駐安南終明之世因之

安南志云天啟中薛三桂為永甯州知州駐安南安邦彥叛死難貴州通志云崇禎中曾異撰為永甯州知州移轄安南流寇圍安南城陷死難

國朝康熙二十六年改安南衛為安南縣隸安

順府雍正五年改隸南籠府嘉慶二年隸興義府

康熙二十六年從總督范承勳請改衛為縣  
疏云安南衛在大道管理驛站應改為縣即  
名安南縣裁去守備千總各一員改設知縣  
典史各一員裁去教授一員改設訓導一員  
仍隸安順府所轄雍正五年總督鄂爾泰會  
題升置南籠府撥安南縣屬焉又割縣屬之  
會昌里董家旗龔趙二屯李家屯尾灑村之  
左屯新置永豐州即貞豐州嘉慶元年苗反次年  
平之 純皇帝改南籠為興義並有詩以美  
之

安南縣鄉土志

三政績

明朱家民 字同人雲南曲靖舉人天啟二年官安普監軍副使安普者安南普安二  
有衛也安普酋叛大小百戰身先士卒開闢荆榛  
直抵盤江江居滇黔之界水深無際渡者每罹  
不測公設法鎔鐵成索以渡之如履平地  
李隆萼 字邨青湖南人咸豐六年任安南知縣歷署興義府有政績循吏  
也到任後晝察奸宄夜訪盜賊場期則身衣敗  
絮與剪綰為伍佯為分肥暗察行徑已而按名

捉拏無一逃者

楊穀成

字子琛江西德興縣人光緒十年官安南縣知縣

有聽訟才

事無大小凡呼訴者隨時隨地皆立為判決之

而又嚴懲書役以除民害豁免丁糧以恤民艱

在任二年幾有刑措之象去後人多思之至今

口碑猶存

朱雲光

字鏡堂平越人光緒長安南蓮城書院

時兵燹後文風不振公大開絳帳一時之遊門

牆者濟濟多士咸成材云

### 四兵事

### 安南縣鄉土志

八

明洪武中傅帥

友德

沐國公英奉命征滇時元梁

王命將扼守盤江

在縣城東四十里

明師百萬死傷狼

藉

見貴州通志

弘治十一年普安米魯亂圍攻我城

時有鄧將軍

子龍

駐兵安南賊因不敢下窺會大

兵征勦殺米魯及脅從賊平

米魯土判官隆暢之繼妻霑益土知州安民

之女以忤暢被出歸安民家與營長阿保通

其前妻之子者禮亦蒸之暢覺殺者禮攻阿

保寨米魯與阿保據寨反

見興義府志

天啟二年水西安坤之叛也勢甚猖獗全省動

穰已而朱家民監軍安普與參將許成名等討平之乃造盤江鐵索橋相要害並築十一城今十一城江西坡之有嘉城阿計營之石基城在普安縣境板橋海子馬場亦資孔四城在盤州廳境歸集城在水城廳境頂站城在永甯州境惟盤江之連雲城尾洒之維藩城定頭之定邊城則在本境

國朝順治四年流賊孫可望亂過安南屠城永甯州知州曾異撰死之見前

康熙時吳世蕃三桂由湖南奔旋佔踞安南即今

### 安南縣鄉土志

九

都司衛署我軍數十萬攻討年餘未克奏績後世蕃行營

寶箕營土司繞道捷圍吳兵始退見貴州志

嘉慶元年興郡苗變圍攻安南時將卒調征銅仁苗失南門外城知縣范來泰率守兵擊走之

圍解

見興義府志

咸豐四年巴林涂令恒李陵春反時太平日久人不知兵知縣朱佑賢自縊死城陷

咸豐九年普安大河堡狃匪作亂屢攻我未克同治元年興義普安貞豐諸城皆失守賊以全力來攻兼有劉春山張主保內應城陷計自同

治元年起至末年止蹂躪十餘次而元氣剝喪矣

五耆舊

明王守謙家貧貿易以養父母甘旨罔缺父卒母病扶掖不離左右萬曆三十年提學表其門曰純孝

宋諱明生員父卒於京扶櫬歸葬哀感路人宋予忠明生員性至孝應貢以遠親辭不就母王氏年九十三予忠年七十七定省不衰梁九錫明人幼孤以保薦授主簿不忍離其母

安南縣鄉土志

十

辭之

王潤明人父卒於京母遺腹生幼有至性孝養其母母病祈天願以身代已而病愈居數年母卒哀毀特至有司屢加獎異年九十而卒

張大志明拔貢生性誠篤事寡母溫席侍膳無遺左右母卒寢苦枕塊哀禮備至

張一熊明末貢生親老除官不就母卒泣墓幾喪明事父益不離左右丁亥與父同死於孫可望之亂

宋懋功明末貢生少孤事母鄧氏以孝聞可望

亂懋功負母逃為賊獲死之  
鄭殿賜康熙貢生家貧授徒於家以養其親恆  
負薪汲水親炊以進甘旨父母卒廬墓三年  
武興周康熙貢生剛方篤實養親辭選  
周士榮道光己酉拔貢應順天鄉試以薦卷挑  
取謄錄或告以其父念之即歸父卒哀毀盡禮  
其弱冠為塾師時又有拒奔女之事  
龍英贊生二歲父卒母嫁英贊依之已而母隨  
後夫之邵陽英贊思之如是者三十年卒至邵  
陽母已卒矣英贊負骨歸葬之本邑

安南縣鄉土志

士

王世泰雍正元年以歲貢舉孝廉方正  
易時熙乾隆舉人幼時性至孝及長隨父母遷  
居興郡而尤以孝聞焉官至井陘知縣  
郭士信雍正貢生與知縣曾紀常同撰邑志旋  
奉詔州縣舉端士為鄉正知縣何天衢舉士信  
及王在鎬以應之

易開第道光拔貢生平正直常為親族所信仰  
回匪之亂向永甯逃隨行者數百人至盤江橋  
門已閉在橋下二十餘日同行者不忍去公作  
絕交書與楊聚垣

安南教諭

辛輝堂

安南典史

有甯赴江

流葬於魚腹之語州主李西樵見之曰吾幾誤  
害忠義士也遂率卒接公過河公力保隨行者  
同去朝方渡盡聞賊夜遂襲橋云以上優於事  
汪克昌明萬曆舉人沉酣詩文不就銓選自號  
雙清漁隱常撰學田記見學人志以為比美歐曾  
張聯斗明貢生容止端嚴從容敬畏文章爾雅  
以宿儒教於鄉

王明新明貢生成都知縣王印濬之後學有淵  
源文行雙美

胡景南字向明性穎悟幼貧無力從師康熙中

安南縣鄉土志

教授周廷尚講學向明竊聽得旨後經學深邃  
兼工詩文士林重之

吳君爵康熙中副貢性靈和不立崖岸詩古文  
辭力追先正為有識所賞官清平教諭升貴陽  
教授巡撫何士基常禮異之

楊潮康熙舉人性篤實以孝友敦行聞工詩文  
著有鳳凰山亭詩集

張袞康熙生員性豪邁工詩賦善草書筆法奇  
逸得張長史之髓

郭士萱雍正廩生當貢不應以經史傳授於家

尤明性理南華諸書嘗著聖諭十六條頌言  
劉芳遠生員早孤善屬文工詩性恬退不應舉  
著有進思堂詩集雍正中梓行於世

易榮勳光緒乙酉拔貢性誠篤工詩文以宿儒  
教於鄉多所造就著有鳳山詩集文集賦集三  
編士林重之 以上優於文學者

梁海淮寧人官安南衛指揮使洪武二十一年  
海領軍開衛建衛治城署皆其經畫

王威臨淮人安侯王志之子也洪武中襲侯爵  
後降安南衛指揮使旋調普安衛指揮使築城

安南縣鄉土志

十三

建署有經畫才

杜純南充人官安南衛教授學問淵博丰裁峻  
整主書院講席善教多士著有三試集

封良弼貴陽人萬曆中官安南訓導才學宏富  
多所造就

程璧休寧人官安南衛守備兵燹後軍民皆未  
復業璧存卹招徠不遺餘力

張文旂陝西人監生康熙二十六年官安南知  
縣時初改為縣百為草創文旂悉心規畫事事  
合宜已而招集散亡開墾草萊縣中漸以殷繁

民苦食滇鹽文旂屢陳大吏改食川鹽  
曾紀常監利人雍正中以教諭保舉知縣蒞官  
一年多惠政士民懷之旋被議代者為貴池何  
天衢欽其學留之三年請撰邑志紀常乃與教  
諭劉鎧訓導汪毓麟邑士郭士信吳謙共撰書  
成凡四卷已而大吏聘紀常勸修貴州通志蓋  
天衢薦之也

張世昌灤城人乾隆五十九年官安南知縣惠  
愛士民振興文教

范來泰浙江人嘉慶初署安南知縣二年苗變

安南縣鄉土志

十四

賊至南門外焚民居來泰率守兵燃烏機砲擊  
走之時正月二十六日也

魏鈞通州人進士嘉慶十五年到任建義學三  
延良師訓誨嚴立課程時與諸生講說經義復  
勸民種樹民享其利多矣

朱壽桂字竹臞宛平舉人道光十三年到任性  
慈祥多惠政又詩文富著述所撰有評漫子一  
卷文鈔一卷駢體文一卷詩鈔二卷刊行於世  
李振堃黃岡人道光十三年署時年饑賑恤有  
法全活無算鳳凰山寺僧犯法逐之以寺田為

建書院費

張士瑛金谿人道光十三年署建蓮城書院  
尹思敬丹徒人道光十七年署建南北兩義學  
善弭盜邑賴以安

晏鎔大興人道光二十年署修書院善聽訟民  
情悅服

李西樵同治中官永甯知州兼攝安南縣事安  
民殺賊頗著大功卒遇賊害死於安姑坡以上  
八名宦者

姚餘明洪武中官安南衛鎮撫時寇亂隨西平

安南縣鄉土志

五

侯沐英勦之奮勇擊賊屢立戰功後追賊至盤  
江力戰死之

宋鉞蘄州人世襲安南衛指揮永樂中征交趾  
戰沒

薛三桂直隸人永甯知州天啟中移駐安南時  
歲饑民多自食子女公設法賑之全活無數尋  
安邦彥叛三桂率民兵力戰死之葬於東門塘  
咸豐中知縣某勒石砌墓其塚尚存

曾異撰四川榮昌舉人永甯知州崇禎中孫可  
望由黔之滇犯安南公與賊戰於盤江兵敗自